



## СИРДАРЁ ВИЛОЯТИ ИСТИҚБОЛДА ЙИРИК ИННОВАЦИОН ХУДУД ВА ЛОГИСТИКА ХАБИГА АЙЛНАДИ

Ўзбекистон Республикаси Президенти Шавкат Мирзиёев ҳудудлар ривожини, аҳоли ҳаёти билан яқиндан танишиш мақсадида 7 апрель куни Сирдарё вилоятига ташриф буюрди.



Давлатимиз раҳбари дастлаб Гулистон шаҳрида халқ депутатлари Сирдарё вилояти Кенгашининг навбатдан ташқари сессиясида иштирок этиб, нутқ сўзлади.

Президент сўзининг аввалида вилоят аҳли юксак ватанпарварлик руҳи билан меҳнат қилиб, катта натижаларга эришганлигини таъкидлади.

Сўнгги олти йилда вилоятга 30 триллион сўм инвестиция жалб қилиниб, 6 минг 640 та янги корхона ишга туширилган. Бу орқали 55 мингта доимий иш ўрни яратилган, 17 мингта оила камбағалликдан чиқарилган.

Сирдарёда ҳам тadbиркорлар кўпайди. Илгари бўлмаган қурилиш материаллари, фармацевтика, чарм ва озиқ-овқат саноати каби янги тармоқлар пайдо бўлди. Хусусан, қурилиш материалларида 274 та лойиҳа амалга оширилиб, бу тармоқ янги драйверга айланди. Вилоят саноатида мазкур соҳанинг улуши 7 фоиздан ошди.

Вилоят полиз маҳсулотлари етиштириш ва экспорти бўйича ҳам республикада биринчи ўринда туради. Сирдарёда мамлакатимиз электр энергиясининг учдан бир қисми, чарм маҳсулотларининг 16 фоизи ва фармацевтика маҳсулотларининг 10 фоизи ишлаб чиқарилади.

Ўтган йили октябрда Президент ташрифидан сўнг, Сирдарёни "ишсизликдан холи ҳудуд"га айлантириш бўйича дастур қабул қилинган эди.

Дастурдаги тadbирлар учун вилоятга қўшимча 2 триллион сўм ажратилди.

Жумладан, 20 минг аҳоли имтиёзли кредит билан таъминланди, 5 минг ишсиз ёшларга асбоб-ускуналар учун грантлар ажратилди. Шунингдек, 2 мингдан зиёд янги хунарманд фаолияти йўлга қўйилди, 12 мингдан зиёд ёшлар касб-хунарга ўқитилди. Аҳоли деҳқончилиги учун қўшимча 5 минг гектар ер тарқатилиб, 10 минг аҳоли даромадли иш билан таъминланди.

Давлатимиз раҳбари эришилган натижалар энди тарих экани, вилоятни ижтимоий-иқтисодий ривожлантириш борасида имкониятлар ҳали кўпчилигини таъкидлади.

Жумладан, Сирдарёнинг ер, сув ва табиат ресурслари бой. Аҳоли жон бошига экин майдонлари бошқа ҳудудларга нисбатан 2-3 баравар кўп. Вилоятда қишлоқ хўжалигини сув билан таъминланганлик даражаси ҳам юқори. Бу соҳага илм ва инновация олиб қирилса, маҳсулот етиштириш ҳажми ва экспортини ошириш мумкин.

Сирдарё республикамиздаги энг катта истеъмол бозори — Тошкент шаҳрига яқин жойлашган. Шунингдек, у икки қўшни давлат — Қозғистон ва Тожикистон билан қулай транспорт коридорига эга.

Давлатимиз раҳбари бу имкониятларни ишга солиб, Сирдарёни саноат, тadbиркорлик, қишлоқ хўжалиги, таълим ва тиббиёт бўйича "илгор инно-

циялар ҳудуди"га айлантириш зарурлигини таъкидлади.

Бу борада Хитой тажрибасига таяниш кўл келади. Чунки бу давлат мазкур соҳаларда катта ютуқларга эришган. Қолаверса, хитойлик инвесторларнинг ҳам вилоятга қизиқиши катта. Охириги олти йилда улар билан бирга, Ширин шаҳри, Мирзаобод ва Сирдарё туманларида 60 дан ортиқ йирик саноат корхоналари очилган. Вилоятга 2022 йилнинг ўзида 250 миллион доллардан зиёд Хитой инвестициялари жалб қилинган.

Йиғилишда Президентимиз Сирдарё аҳолиси фаровонлигини янада оширишга қаратилган 5 та янги ташаббусни эълон қилди.

Биринчидан, илгор инновациялар ҳудудида био-фармацевтика, қурилиш материаллари, қишлоқ хўжалиги, озиқ-овқат, электротехника, тиббиёт, таълим соҳаларининг 20 та йўналишидаги лойиҳаларига алоҳида имтиёзлар режими жорий қилинади. Унга кўра ер, мол-мулк, фойда ва айланма учун солиқлар ҳамда божхона божларидан 3 йилгача озод қилинади. Ер участкалари соддалашган тартибда ажратилади, ер ва биноларни сотиб олишда 5 йилгача бўлиб тўлашга руҳсат берилади.

Шунингдек, Сирдарёда 500 миллион долларлик инвестиция ҳисобига Ўзбекистон — Хитой биотехнологиялар кластери барпо этилади. Унда

Хитойнинг етакчи олийгоҳлари билан бирга Гулистонда халқаро таълим ва тadbиркорлик университети, инновацион тиббиёт клиникаси, Марказий Осиё геном маркази, онкологик касалликларни даволаш учун Хужайра терапияси маркази ташкил қилинади. Шунингдек, кластер томонидан замонавий диагностика қурилмалари, инновацион вакциналар, пробиотиклар ва онкологик касалликлар учун дори воситалари ишлаб чиқарилади.

Бунинг учун 200 гектар ер ажратилиб, 10 минг талаба учун ўқув бинолари, замонавий кампус, лабораториялар, муҳандислар мактаби ташкил этилади.

Иккинчидан, вилоятнинг 11 та туман ва шаҳри Хитой модели асосида саноатга ихтисослашадиган, ҳар бирида инновацион технопарклар ташкил қилинади. Уларда электротехника, био-фармацевтика, кимё, қурилиш материаллари, ипак ва озиқ-овқат саноатида инновацион лойиҳалар амалга оширилади. Технопаркларга эркин иқтисодий зона мақоми берилади ва "божхона ҳудудида қайта ишлаш" режими жорий қилинади. Уларда электротехника, био-фармацевтика, кимё, қурилиш материаллари, ипак ва озиқ-овқат саноатида инновацион лойиҳалар амалга оширилади.

Инвестиция лойиҳаларини молиялаштириш учун Сирдарёда "Ўзбекистон — Хитой инвестиция жамғармаси" ташкил этилади. Бу жамғарма Хитойнинг нуфузли Ипак йўли фонди ва бошқа

молия ташкилотлари билан бирга ташкил қилинади. Жамғармага 1 миллиард доллар сармоя олиб келинади.

Учинчидан, Сирдарёда энг илгор агротехнологиялар жорий этилади. Хитойдан вилоят ҳоқимига қишлоқ хўжалиги бўйича маслаҳатчилар бириктирилади, ирригация ва мелиорация тизимлари модернизациясига инвесторлар жалб қилинади.

Шунингдек, Хитой тажрибаси ёрдамида Сайхунободда қорамол ва паррандачилик эко-комплекслари, Мирзаободда интенсиф анор, қовун, пекан ёнғоғи ва балиқчилик плантациялари ташкил қилинади. Ховосда ўсимликлардан табиий бўёқлар ишлаб чиқариш қуввати, мева-сабзавотни сақлаш, қайта ишлаш ва қадқоқлаш технопарки ташкил этилади. Шўр ва сувсизликка чидамли экин турлари, чорвачилик наслларини яратиш бўйича Хитойнинг етакчи олийгоҳлари билан ҳамкорлик йўлга қўйилади.

Тўртинчидан, Сирдарё мамлакатимизни Қозғистон, Тожикистон, Хитой ва Афғонистон билан боғлайдиган йирик логистика хабига айлантирилади. Бунинг учун, хитойлик инвесторлар билан ҳамкорликда республиканинг шарқий ва марказий қисмларини ҳамда чет эл йўналишларига боғлайдиган янги транспорт маршрутлари ва мультимодал логистика маркази қурилади.

Булардан ташқари, йўллارни қуриш, таъмирлаш ва бошқаришга хусусий

секторни жалб қилиш ҳам Сирдарёдан бошланади.

Бешинчидан, тиббиётдаги ислохотлар натижаси ва соҳадаги имкониятларга таяниб, Гулистон шаҳри мамлакатимизнинг "инновацион медицина хаби"га айлантирилади.

Сессияда ташкилий масала кўрилади. Президент Шавкат Мирзиёев Сирдарё вилояти ҳоқими лавозимига Акмалжон Маҳмудалиев номзодини тавсия этди.

А.Маҳмудалиев 1974 йилда туғилган. Кўп йиллар давлат идораларида ишлаб, катта тажриба орттирган. Фарғона вилоятининг Учкўприк тумани ҳоқими, Навоий вилояти ҳоқимининг қишлоқ ва сув хўжалиги масалалари бўйича ўринбосари лавозимларида фаолият юритган. У ўтган йил ноябрдан буён Сирдарё вилояти ҳоқими вазифасини бажариб келмоқда.

Номзод лавозимга тасдиқланишдан аввал унинг режалари эшитилди. Акмалжон Маҳмудалиев вилоятда тadbиркорлик, саноат, қишлоқ хўжалигини ривожлантириш, аҳолига муносиб турмуш шароити яратиш бўйича режаларини маълум қилди.

Давлатимиз раҳбари бу тақлифларни маъқуллаб, улар юзасидан мутасаддиларга кўрсатмалар берди.



Давоми 3-бетда

Ўзбекистон Республикаси Президенти Матбуот хизмати суратлари.

### Ўзбекистон Республикаси Президентининг ФАРМОНИ

#### А.А.МАХМУДАЛИЕВНИ СИРДАРЁ ВИЛОЯТИ ҲОҚИМИ ЛАВОЗИМИГА ТАЙИНЛАШ ТЎҒРИСИДА

Ўзбекистон Республикаси Конституциясининг 93-моддаси 15-банди ва 102-моддасига асосан ҳамда халқ депутатлари Сирдарё вилоят Кенгашининг қарорига мувофиқ Акмалжон Азимжонович Маҳмудалиев Сирдарё вилояти ҳоқими лавозимига тайинлансин.

Ўзбекистон Республикаси Президенти Ш. МИРЗИЁЕВ

Тошкент шаҳри, 2023 йил 7 апрель

### Ўзбекистон Республикаси Президентининг ҚАРОРИ

#### МАЪМУРИЙ ИСЛОҲОТЛАР ДОИРАСИДА ЁШЛАР СИЁСАТИ ВА СПОРТ СОҲАСИДА ДАВЛАТ БОШҚАРУВИНИ САМАРАЛИ ТАШКИЛ ҚИЛИШ ЧОРА-ТАДБИРЛАРИ ТЎҒРИСИДА

Ўзбекистон Республикаси Президентининг 2023 йил 25 январдаги "Республика ижро этувчи ҳоқимият органлари фаолиятини самарали йўлга қўйишга доир биринчи навбатдаги ташкилий чора-тadbирлар тўғрисида"ги ПФ-14-сон Фармони ижросини таъминлаш мақсадида:

1. Қуйидагилар: Ёшлар сиёсати ва спорт вазирлиги фаолиятининг устувор

йўналишлари 1-иловага мувофиқ;

Ёшлар сиёсати ва спорт вазирлиги тизимидаги муассасаларни қайта ташкил қилиш дастури 2-иловага мувофиқ;

Ёшлар сиёсати ва спорт вазирлигининг ташкилий тузилмаси 3-иловага мувофиқ;

Ёшлар ишлари агентлигининг ташкилий тузилмаси 4-иловага мувофиқ;



Давоми 3-бетда

### Ўзбекистон Республикаси Президентининг ҚАРОРИ

#### ОММАВИЙ ВА ПРОФЕССИОНАЛ ФУТБОЛНИ ҲАР ТОМОНЛАМА РИВОЖЛАНТИРИШНИНГ ҚЎШИМЧА ЧОРА-ТАДБИРЛАРИ ТЎҒРИСИДА

Мамлакатимизда футболнинг оммавийлигини янада ошириш, истиқболли ва иқтидорли футболчиларни танлаш ҳамда профессионал даражада тайёрлашнинг янги тизимини йўлга қўйиш, тренер ва ҳакамларни халқаро талаблар асосида тайёрлаш ва маҳоратини юксалтириш, футбол инфратузилмасини яхшилаш ҳамда ўрнатилган стандартларга мослаштириш мақсадида:

1. Қуйидагилар футболни янада оммалаштириш ва ривожлантиришнинг қўшимча йўналишлари этиб белгилансин:

Халқаро футбол ассоциациялари

федерацияси (FIFA)нинг аҳоли, айниқса, ёшлар ўртасида футболни янада оммалаштиришга қаратилган махсус дастурлари асосида ҳар йили маҳалла ёшлари ўртасида, жумладан, мактабгача таълим ташкилотларида "Оммавий футбол" (Grassroots) фестивал ва мусобақалари, умумий ўрта таълим мактаблари ўқувчилари ўртасида "Мактабларда футбол", олий таълим муассасалари талабалари ўртасида "Талабалар лигаси" республика мусобақаларини ўтказиш;



Давоми 2-бетда

**БОКУДАН ХАТ**

## ТУРК ДУНЁСINI ЎЗБЕКISTONСИЗ ТАСАВВУР ЭТИБ БЎЛМАЙДИ

**Мухтарам Президент Шавкат Мирзиёевга мени 85 ёшга тўлганим муносабати билан "Дўстлик" ордени билан тақдирлагани ва шаънинга билдирган самимий сўзлари учун чуқур ташаккур билдираман.**

Хурматли Ўзбекистон Президентига миннатдорлигимнинг бошқа муҳим сабаблари ҳам бор. Мен Президент Шавкат Мирзиёевдан бугун Ўзбекистоннинг турк дунёсида, ТУРКСОЙ ташкилотидида муносиб ўрин эгаллагани учун ҳам миннатдорман. Зеро, турк дунёсини Ўзбекистонсиз тасаввур этиб бўлмайди. Турк оиласида Ўзбекистоннинг шарафли ўрни бор.

Давоми 3-бетда









